



UPA 2017/101
Nuuk, 20.11.2017
Kelly Berthelsen

Forslag til: Inatsisartutlov nr. xx af xx. xx 2018 om alkohol.

(Naalakkersuisoq for Sundhed og Nordisk samarbejde)

1953-imi danmarkimut ilanngutivinneqarattali marluk oqaluuserilerpavut:

Danmarkimut atalernerq taavalu imigassaq.

Tupinnangilarmi, taakku marluk tamarmik inuiaqatigiinnut sunniuteqarluinnarput.

Tamatta tamavitta imigassamit sunnigaavugut eqqaamasaqarlutalu.

Eqqaamasat ilaat nuannersuupput, inuit akornanni ulluinnarni persuarsiornerit qimaa-larlugit qiimasarfiusimasut. Amerlavallaalli amerlavallaanut inuunerup sinneranut kingunerlupput.

Meeqqat, angajoqqaat, suliffeqarfiit, pisortat, atuarfiit, aalisartut, ilami kikkut ta-marmik – pingaartumik qinikkat - imigassaq pillugu oqaasissaqarput. Ilaat ammaneru-lersitsiniat ilaat matusilluinnarniat.

Kisianni imigassaq ajornartorsiutaavoq, qanoq iliuuseqarfigisariaqarparput. Me-erartavut pisuussutitta pingaarnersarisaat pillugit qanoq iliuuseqanngitsoorsinnaangi-lagut.

Ataasianngeqaluta imigassaq pillugu inatsisit allanngortinneqarnerat allanngorteri-arneqarnerilu nalaattarpavut. Kingullertigut ukiualuit matuma siorna ilaatigut assorsu-aq pisariusutut isigineqartumik naalakkersuisut siulii allanngortitseriaraluarput ilu-atsinngitsumilli. Inatsissatut siunnersuutigineqaraluartoq massakkut saqqummiun-neqartumiit arlalippassuartigut sukanganeroqaaq naammassiuminaaneroqalunilu, atu-isussanullu paasiuminaaneroqaluni.

Isummat assigiinngikkaluit kikkunnit tamanit piumassuseqarluni naaperiarfigineqar-put. Partiit ataasiakkaat iluini, partiillu akornanni, pingaartumillu naalakkersuisut inatsisartullu akornanni naapeqatigiinniarsimaneq qujassutigaarput. Inuiaqatigiit pil-lugit isummanik nikeriartitsinissamut sapiissusermik peqarsimasut tamaasa matumu-una Inuit Ataqatigiinniit qutsaviginiarpavut.

Maanna inatsisissamik amerlanerit naapiffigisinnaasaannik akuersissuteqalerpugut, nerioqaagullu kissaatigineqartutut sunniuteqassasoq. Eqqaamassavarpulli taannaan-nalluni naammangimmat, naammangilluinnarmat. Inuiaqatigiit tamatta akisussaaf-fimmik tiguisariaqalerpugut 1953-imili alliseeqqutigilersimasavut qaangerumallugit.

